

Bosna i Hercegovina
Federacija Bosne i
Hercegovine
Kanton Sarajevo
Grad Sarajevo
**OPĆINA CENTAR
SARAJEVO**
Općinski načelnik



Bosnia and Herzegovina
Federation of Bosnia and
Herzegovina
Canton Sarajevo
City of Sarajevo
CENTAR MUNICIPALITY
Municipal Mayor

Босна и Херцеговина
Федерација Босне и
Херцеговине
Кантон Сарајево
Град Сарајево
**ОПШТИНА ЦЕНТАР
САРАЈЕВО**
Општински начелник

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj 49/06 i 51/09), člana 69. Statuta Općine Centar Sarajevo-prečišćeni tekst ("Službene novine Kantona Sarajevo" broj 23/04), član 13. Odluke o izvršavanju Budžeta Općine Centar Sarajevo za 2026. godinu ("Službene novine Kantona Sarajevo" broj: 52/25), člana 5. Pravilnika o kriterijima i raspodjeli novčanih sredstava za dodjelu stalne novčane pomoći boračkoj populaciji u stanju socijalne potrebe („Službene novine Kantona Sarajevo“, broj: 30/22, 27/23), Odluke o pokretanju postupka raspisivanja i provođenja Javnog poziva broj: 09/A-11-257/26 od 22.01.2026. godine i Odjeljka C tačka 20. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“, broj 37/24), Općinski načelnik raspisuje:

**JAVNI POZIV
za dodjelu stalne novčane pomoći boračkoj populaciji u 2026. godini**

1. PREDMET JAVNOG POZIVA

Predmet ovog Javnog poziva je dodjela stalne novčane pomoći boračkoj populaciji sa područja općine Centar Sarajevo u stanju socijalne pomoći.

2. FINANSIJSKA SREDSTVA

Sredstva za dodjelu stalne novčane pomoći boračkoj populaciji raspoređivat će se u skladu sa odredbama Pravilnika o kriterijima i raspodjeli novčanih sredstava za dodjelu stalne novčane pomoći boračkoj populaciji u stanju socijalne potrebe („Službene novine Kantona Sarajevo“, broj: 30/22 i 27/23) sa budžetske pozicije:

- 614200 – stalna novčana naknada socijalno ugroženim pripadnicima boračke populacije;

Ukupan iznos planiranih sredstava u Budžetu Općine Centar Sarajevo za 2026. godinu iznosi 250.000,00 KM.

Iznos stalne novčane pomoći će biti utvrđen u skladu sa brojem korisnika i raspoloživim budžetskim sredstvima.

Općina zadržava pravo da izmijeni / uskladi iznos planiranih sredstava u skladu sa izmjenama budžetskih dokumenata u toku godine.

Sredstva koja se dodjeljuju ne predstavljaju državnu pomoć u smislu Zakona o sistemu državne pomoći u BiH.

3. CILJ JAVNOG POZIVA

Cilj dodjele stalne novčane pomoći boračkoj populaciji je da kroz djelovanje u sistemu socijalne zaštite izdvajanjem budžetskih sredstava stvori bolje uvjete za kvalitetniji život boračke populacije te poboljša njihov položaj u društvu.

4. UVJETI ZA OSTVARIVANJE PRAVA NA STALNU NOVČANU POMOĆ BORAČKE POPULACIJE

- **Pravo na stalnu novčanu pomoć boračkoj populaciji imaju sva lica koja imaju priznat status:**
 1. Borca/branitelja Bosne i Hercegovine;
 2. Ratnih vojnih invalida i njihovih porodica;
 3. Članova porodica šehida i poginulih i nestalih boraca/branitelja i umrlih ratnih vojnih invalida;
 4. Organizatora otpora;
 5. Veterana/prvoboraca;
 6. Članova porodica umrlih demobilisanih boraca;
 7. Sa borcima-braniteljima, u smislu ove Odluke, izjednačeni su u pravima učesnici narodnooslobodilačkog antifašističkog rata 1941- 1945. godine, čiji je status utvrđen rješenjem nadležnog organa.
- **Uslovi za dodjelu stalne novčane pomoći boračkoj populaciji su:**
 - je da lice koje podnosi zahtjev ima prebivalište na području Općine Centar Sarajevo;
 - da niko od članova zajedničkog domaćinstva podnosioca zahtjeva nije vlasnik preduzeća ili samostalne radnje ili ima registriranu dopunsku djelatnost (da nema duga po osnovu javnih prihoda);
 - da primanja u zajedničkom domaćinstvu ne prelaze iznos od 30% minimalne penzije FBiH, s tim da se kao primanja ne računaju primanja ostvarena po osnovu prava na topli obrok putem Javne kuhinje;

NAPOMENA:

Izuzetno, stalnu novčanu pomoć mogu ostvariti borci/branitelji BiH, ratni vojni invalidi, porodice šehida i poginulih boraca (korisnici porodične invalidnine) koji boluju od malignih oboljenja, **bez obzira na visinu primanja**.

Lica koja ostvare pravo na stalnu novčanu pomoć ne mogu ostvariti pravo na jednokratnu novčanu pomoć iz nadležnosti Službe za boračko invalidsku i socijalnu zaštitu, osim u slučaju pružanja novčane pomoći za liječenje van granica BiH.

Osoba koje učestvuje u postupku dodjele sredstava bit će isključena iz postupaka dodjele ukoliko se utvrdi da je u sukobu interesa u odnosu na podnosioca prijave, a podnosioci prijave imaju mogućnost prijaviti sumnju na postojanje sukoba interesa, o kojima će davalac budžetskih sredstava odlučivati pojedinačno po svakoj prijavi.

5. POTREBNA DOKUMENTACIJA

Podnosioci zahtjeva za dodjelu stalne novčane pomoći po ovom Javnom pozivu dužni su dostaviti slijedeću dokumentaciju:

- Dokaz o statusu (uvjerenje Federalnog ministarstva za pitanja boraca i invalida odbrambeno oslobodilačkog rata);
- Potvrda o prijavi prebivališta za punoljetne članove domaćinstva;
- Kućna lista;
- Potvrda o visini primanja za sve punoljetne članove domaćinstva (nije potrebno za lica koja boluju od malignih oboljenja);
- Potvrda da se lice nalazi na evidenciji nezaposlenih ili da nije ostvario/la penziju za sve punoljetne članove domaćinstva (nije potrebno za lica koja boluju od malignih oboljenja);
- Uvjerenje Porezne uprave da podnosilac/podnositeljica zahtjeva nema duga po osnovu javnih prihoda;
- Medicinski nalaz za oboljelog podnosioca/podnositeljice zahtjeva;
- Potvrda o otvorenom tekućem računu za podnosioca/podnositeljicu zahtjeva;

6. PODNOŠENJE PRIJAVA/ZAHTJEVA NA JAVNI POZIV, ROKOVI I NAČIN DODJELE NOVČANIH SREDSTAVA

Javni poziv će biti objavljen na oglasnoj ploči Općini Centar Sarajevo i na web stranici Općine Centar Sarajevo (www.centar.ba).

Lica koja su ostvarila pravo na stalnu novčanu pomoć nisu u obavezi podnositi nove zahtjeve. Prijave/zahtjevi sa kompletnom dokumentacijom podnose se na protokolu Općine Centar Sarajevo, tokom cijele godine ili do utroška planiranih budžetskih sredstava, svakim radnim danom od 07.30 do 16.00 sati, ili putem pošte na adresu: Općina Centar Sarajevo, Služba za boračko invalidsku i socijalnu zaštitu- Odsjek za boračko invalidsku zaštitu, ulica Mis Irbina broj 1.

Dokumentacija se dostavlja u originalu ili ovjerenoj kopiji, ne starija od 6 mjeseci.

Prijave/zahtjevi će se rješavati po redoslijedu podnošenja. Nadležna služba za poslove iz oblasti boračko invalidske zaštite na osnovu priložene dokumentacije vrši obradu iste, sačinjava listu korisnika stalne novčane pomoći te predlaže Općinskom načelniku, koji daje saglasnost, a rješenje donosi nadležna služba.

Služba je dužna u roku od 30 dana od dana podnošenja zahtjeva obavijestiti podnosioca zahtjeva o statusu predmeta.

Sve dodatne informacije mogu se dobiti u Službi za boračko invalidsku i socijalnu zaštitu - Odsjek za boračko invalidsku zaštitu Općine Centar Sarajevo, soba 31/prizemlje ili na broj telefona: 033/562-454.

Općinski načelnik

Srđan Mandić